

*glaucum.* CYMBIDIUM, caule compresso erectiusculo imbricato, foliis bifariis lato - lanceolatis subtus glaucis; capsulis nudis.

*Epidendrum glaucum.* Prodr. p. 124.

Lectum in arboribus versus summum jugum Montium caeruleorum *Jamaicae australis.* 4.

*Radices* filiformes, crassae, repentes, longae; albae.

*Caulis* 1 - 2 - pedalis, erectiusculus, simplex, compressus, imbricatus, multiflorus.

*Folia* bifaria, basi vaginantia, semiamplexicaulia, subimbricata, lato - lanceolata, acumine brevi, integra, basi antice deflexa, oblique patentia, glaberrima, lacte virentia, subtus leviter carinata, glauca.

*Vaginae* compressae, dorso acuto, striatae, membranaceae.

*Pedunculi* postici e vaginis foliorum solitarii, illis breviores et adpressi, erecti.

*Bractee* geminae, parvae, albae sub flore.

*Corollae* ovatae, acuminatae, fere clausae, albae, parvae.

1458

Gynandria.

*Capsulae* oblongae, glaberrimae nitidae, trigonae, in tres partes dehiscentes.

*Semina* minuta, subfarinosa.

---

*Obs.* Plantam post anthesin legi.

---